

新疆圖志

辛亥冬月

少魯題

鐵



古蹟志序

余總角時側聞吾皖多古帝王陵寢先賢祠墓及名人
傑士之遺址私心竊慕即欲縱觀焉以爲快朝夕受讀
未遑也少長應試省郡得遊江南諸郡縣謁湯陵揖魏
武墓慨然念經營草昧順逆雖殊而其建開國承家之
模則一登塗山絕頂而左右顧諸峯羅列千八百國玉
帛會盟之盛宛然在我目前至泗上尋亭長故治度清
流關訪皇用規姚鳳就禽之所舉凡甘羅墓老莊故里
管鮑分金臺逐一瀏覽竊歎天地間氣其鍾我淮河流

域者已磅礴鬱積如是而目想神遊念四海之大九州
之廣中先哲王之所留遺英雄豪傑之所布置三教九
流諸子百家之所營謀雖經兵燹飄零風雨剝蝕其磨
滅而殘缺者不知凡幾要其敗址頽垣殘磚賸瓦與夫
英光浩魄餘韻流風對日月以爭光與山河而並壽者
視吾皖奚啻百倍豈斷非管窺蠡測所能盡要必海濫
山陬皆有車轍馬迹庶其寓吾目而快吾心焉及壯而
從軍吉林督兵嶺表治河鄭州開礦漠河觀察清河東
邊江淮徐州各道足跡所經上自祠廟寢陵下至碑碣

幢以及金石書畫陶瓷什物與夫畫壁塑像之屬凡爲
古昔所傳遺者靡不尋巖搜谷以光吾遊記而壯吾行
簾至護撫河南則交通便採訪捷耳之者皆得而目之
矣獨至撫魯

命下侍疾未行舉孔子廟堂顏淵陋巷未獲躬親瞻拜一灑王
心齋之淚殊爲憾事宣統庚戌躬膺

簡命巡撫新疆

陞見之餘乞假歸省乘京洛汽車由鄭轉汴距城數十里欣
然望見一筆轟空干霄直上者則汴之鐵塔也知去吾

母爲不遠矣定省之暇登臨西望黃流浩浩從千巖萬壑中奔騰而來溯流而上之穆然想見豐鎬之舊治秦漢之故都及漢所謂河西四郡西域三十六國者率皆星羅碁布勢據黃河上游余之所謂新疆者卽於是乎在噫是役也其在他人往往咨嗟太息似不勝西出陽關之感而余則心曠神怡轉幸得步張騫傳介子班定遠之後塵南跨崑崙北躡阿爾台山西上帕米爾高原乃益搜羅剔抉以擴我眼界兼得相度形勢抵制英俄謀所以拱衛

神京者將於此行卜之今年春由汴入洛道經虎牢伊闕之雄滎陽成皋之險瞬息千里不暇注視猶憶劉項鑒兵固皆一世之雄要亦於地理形勝有絕大關繫者也抵洛陽瞻周之東都城中午門三楹半就傾圯黍離之感油然而生城東五里訪古存閣見秦磚漢瓦唐幢之屬古致宛然摩娑不忍去度夾馬營相傳爲宋藝祖誕降處登高而北望軒然以昂者則漢光武陵也而司馬懿墓亦厠其旁薰蕕並立過者多指摘之在晉武當日方以爲抗衡漢祖不知適以爲後人笑也過澠池豐碑

屹立者爲秦趙會盟處也越靈寶而南土人指爲天師
洞者又張道陵故里遂乃入函谷達崤陵誅陽震墓訪
召伯甘棠府而少憩焉連日西發遙望日觀仙掌諸峯
悠然如見陳希夷王景畧之爲人渡渭踰灞橋入長安
尋唐故宮景陽長樂無一在者而太湖石巋然獨存與
慈恩雁塔孔廟碑林歷久而如新然豐水東注波濤奮
發如聞辟雍鼓鐘渡渭赴咸陽攷阿房遺址僅約畧可
辨出崆峒訪黃帝問道亭次遙池瞻王母降生處猶有
餘迹然後歎古蹟之存者恒與道德同光若富貴奢侈

造作則煙雲過目無可大可久之理也行抵蘭垣是爲
古金城南枕五泉爲霍去病故壘北帶巨浸則天下黃
河第一橋也遊肅王宮窺三子石洞壑深邃惜未窮其
根底而去於涼聽大雲之鐘步竇融之臺摹西夏西寧
王諸碑胥途中快事又西而至甘肅飲甘泉之水清沁
肺腑入石室讀唐經閣酒泉故城皆漢武時一綫中通
者然後知甘之得名者以泉而甘肅之全省得名者以
二州爲古夷夏大防也旣而出嘉峪渡赤斤厯雙塔堡
西望晶瑩白石林立如雍州之球琳琅玕而雙山成峽

如重門洞開乃悟古所謂玉門者固在於此又西而至
星星峽碎石億萬确犖泉山間此星星所以命名也乃
不知誰何大書勒石而易其名曰猩猩厯年既久則伍
髭鬚杜十姨之悞詎能免乎於是又西行遂入新疆
境古之三十六國其遺蹟不少概見而余以羈於公務
咸不克訪問恒悵悵焉秉節之暇爰師孫文定南遊記
之意舉途中所厯者詳細按日識之名之曰撫新紀程
方冀理甚無事將持節赴南疆一攷漢唐遺蹟以續吾
遊記適新疆古蹟志成而呈余鑒定則凡新疆古蹟之

所在先得目爲之遊焉乃益觸發吾向者嗜古之心爰
舉數十年來考古之事之入於遊記者節約其大畧如
此以塞其責今而後有以古蹟告我者當敬觴之也是
爲序

宣統三年十一月既望撫新使者渦陽袁大化謹序

宣統二年十一月朔望日

記

此以塞其責今而錄之以古觀昔拜者當憐顧之由是
聖德十平來著古之德之人允德昭著除其大器收
則出夫爵日錄之德端以益勵德者向者觀古之小愛

新疆圖志卷八十七

古蹟志

迪化縣

烏魯木齊故城

在城西十里西域圖志云乾隆二十年正月大兵征
準噶爾多爾濟降地皆內屬有舊城周可三里

賜名迪化即明故城也案明史瓦剌嚙後分爲四衛拉特其
和碩特部治烏魯木齊準語烏魯木齊好大圍場也

昌吉縣

張堡廢城

城東二里有城墉舊基濶丈二尺斷垣存十之二三
土人呼唐朝城案唐地志輪臺縣西百九十里
有張堡城守捉卽是地也城中二土墩尙高丈許居民戒
不得侵犯犯則非雷雨交作卽本身病狂

綏來縣

唐朝渠

城北五百四十里魚窩舖有廢渠在阿雅爾淖爾南
濶約丈餘長數十里相傳唐時所開距渠數里有伽

藍廢址道咸之際居民猶見木質神像五尊均高大
許後爲飛沙所壓漸成高阜夜闌陰雨隱聞鐘聲光
緒三十三年奏設唐朝驛北通阿爾泰

熱水泉

城西二百九十里博羅屯古莊西南入山馬行六十
里有熱水泉自石壁流出浴之已疾眾建石室五間
每年五六月游人絡繹于道臨潼溫泉不是過也

雪淖壩

城西百九十里長樂堡一名石厰山頂有雪淖壩望

之如琉璃世界周圍五六里積雪不消雪鷄飛集其
上沿岸產雪蓮宣統庚戌知縣文篤周曾親至其地
阜康縣
達摩祖師面壁處

方士淦東歸日詛云巴克達山高峯插天冰雪不化
頂上常有雲氣每年五月阜康縣令率民人致祭香
火極盛山行十五里下車步行直至中層平行寬廣
有天地二形似葫蘆清冷可愛乾隆年間明將軍瑞
欲引池水下山通渠溉灌水不下注池邊有珙花瑤

草相傳爲達摩祖師面壁之所仰視高山如在天際
人不能上矣

孚遠縣

千佛洞

西域釋地云濟木薩城西南十餘里有千佛洞山中
樹木叢茂乾隆三十五年有人病目翳已失明矣入
山樵採目暴腫痛不可忍遙聞山間人語云山下泉
水洗目宜愈若是者之其人削匐而下耳畔水深淙
淙視而洗之痛良已再三掬洗目忽明乃悟語之者

非人也因望空謝尋舊徑欲歸瞥見土石裂處粉垣
半露隱約有洞亟歸告其儕携錫具往洞甚深黑燭
之形如半月有大佛卧其中

三州輟畧云佛身長一丈六尺金面跏

足顏色如新洞中銅佛像尺餘至三五寸者甚多不

知何代所供養也其人感佛拯救誓落髮爲僧住此

山募修莊嚴極其壯麗洞中銅佛九尊曾入貢云案

王延德高昌行記云時四月師子王避暑北庭

北庭都護

府在今孚遠城北邀延德凡六日至北庭憇高台寺

三十里之護堡

明日遍游境內佛寺有曰應運泰寧之寺占觀十四